

U G O V O R
ZA EKOLOŠKO ZBRINJAVANJE OTPADA
KP 34/17

Zaključen u Sarajevu dana 08.09.2017. godine između:

KJKP „Toplane – Sarajevo“ d.o.o.

sa sjedištem u Sarajevu, ul. Semira Frašte br. 22,

koga zastupa direktor Admir Džubur (u daljem tekstu: **Naručilac usluga**),

Transakcijski račun: 338-900-22082827-07 (UniCredit bank d.d. Sarajevo),

PDV broj: 200353740001

i

„RECIKLON“ d.o.o.

sa sjedištem u Sarajevu, ul. Brčanska br. 15,

koga zastupa direktor Belma Pašić – Krupalija (u daljem tekstu: **Pružalac usluga**),

Transakcijski račun: 132-100-20045759-15 (NLB banka d.d. Sarajevo),

PDV broj: 209895560007

PREDMET UGOVORA

Član 1.

Predmet ovog ugovora je ekološko zbrinjavanje otpada prema obrascu za cijenu ponude za potrebe Naručioca usluga, a zaključuje se po provedenom postupku nabavke - konkurentski zahtjev KP 34/17, u skladu sa Odlukom o izboru najpovoljnijeg ponuđača broj: 03-03-01-869/17 od 29.08.2017. godine i ponudom zaprimljenom pod brojem 3566/17 od 21.08.2017. godine, koja odgovara uslovima iz tenderske dokumentacije

Član 2.

Ugovorne strane se obavezuju da će, sa opasnim i neopasnim otpadom prilikom preuzimanja, skladištenja i zbrinjavanja, postupati na okolinski prihvatljiv način u skladu sa pozitivnim zakonskim propisima u Bosni i Hercegovini i Bazelskom konvencijom, te članom 1 i 2 Pravilnika o uslovima za prijenos obaveza upravljanja otpadom sa proizvođača i prodavača na operatora sistema za prikupljanje otpada.

OPIS PREDMETA UGOVORA

Član 3.

Predmet ugovora je ekološko zbrinjavanje opasnog i neopasnog otpada koji je nastao prilikom remonta postrojenja za proizvodnju i distribuciju toplotne energije kao i servisiranja opreme i uređaja u toku rada postrojenja, servisiranja voznog parka Preduzeća, poslova u laboratoriji te rashodovanja i demontaže opreme. Šesteroznamenasti ključni brojevi odnosno šifre otpada za koje će se vršiti zbrinjavanje, date su u Obrascu za cijenu ponude.

CIJENA I USLOVI PLAĆANJA

Član 4.

Ukupna ugovorena vrijednost iz Člana 2. ovog Ugovora iznosi:

6.793,75 KM

(slovima: šesthiljadasedamstotinadevedesetri i 75/100 KM)

U ugovorenu vrijednost nije uračunat PDV.

Član 5.

Ugovorne snage su saglasne da, zbog specifičnosti nabavke, može doći do izmjene količina iz Obrasca za cijenu ponude bez obzira na ponudene cijene, odnosno može doći do povećanja odnosno smanjenja količine po pojedinoj stavci u zavisnosti od stvarnih potreba Naručioca usluga ali ne preko ugovorene vrijednosti iz člana 4. ovog Ugovora.

Član 6.

Iznos naveden pod tačkom 14. Obrasca za cijenu ponude, predviđen je za potrebe Naručioca usluga za zbrinjavanjem ostalih vrsta otpada koje eventualno mogu nastati u toku realizacije ugovora, a za koje nisu definisane pripadajuće šifre u Obrascu za cijenu ponude, ali su u tehničkoj vezi sa predmetom ove nabavke. U tom slučaju, Pružalac usluga će na osnovu pismenog zahtjeva Naručioca usluga, sačiniti i dostaviti putem fax-a ili e-mail-a pismenu ponudu za takvu vrstu otpada a Naručilac usluga će u najkraćem roku pismenim putem fax-a / e-mail-a obavijestiti ponuđača da li je saglasan sa izvršenjem prema dostavljenoj ponudi.

Član 7.

Pružalac usluga se obavezuje da za izvršene usluge ispostavi račun u skladu sa Zakonom o PDV-u.

Član 8.

Naručilac usluga se obavezuje da izvrši plaćanje u roku od 30 dana od dana prijema računa i prateće dokumentacije (otpremnice, transportna dokumentacija i slično) Pružaoca usluga.

MJESTO I ROK IZVRŠENJA USLUGE

Član 9.

Predmetne usluge će se izvršavati sukcesivno tokom ugovornog perioda, a najkasnije 7 dana od dana telefonskog poziva Naručioca usluga.

Mjesto izvršenja usluge su lokacije KJKP „Toplane-Sarajevo“ d.o.o. Sarajevo.

OBAVEZE UGOVORNIH STRANA

Član 10.

Obaveze Naručioca usluga:

- da blagovremeno, obavijesti Pružaoca usluga o otpadu, adresi lokacije na kojoj je otpad privremeno odložen, te kontakt telefon zaposlenika koji će biti prisutan u momentu preuzimanja otpada na predmetnoj lokaciji,
- da Pružaocu usluga omogući nesmetan pristup lokaciji radi lakšeg preuzimanja.

Član 11.

Obaveze Pružaoca usluga:

- da po prijemu obavještenja o otpadu u što kraćem roku, organizuje njegovo preuzimanje,
- da otpremni dokumenti (račun, otpremnica i sl.) moraju sadržavati: podatke o šifri, vrsti i količinama izraženim isključivo u kg bilo da se radi o tečnom ili čvrstom otpadu,
- da za svaku vrstu otpada, dostavi pismeni dokaz o šifri, količini i načinu zbrinjavanja - navesti oznaku postupka D1-D15, te podatke o mjestu i lokaciji zbrinjavanja tj. originalni ovjeren dokument od subjekta odlagališta, u skladu sa važećim propisima zaštite okoliša,
- da transport opasnog otpada mora biti praćen transportnom dokumentacijom (u skladu sa Uredbom o selektivnom prikupljanju, pakovanju i označavanju otpada („Sl.novine FBiH“ br.38/06),
- da uz prisustvo predstavnika Naručioca usluga, ukoliko se radi o manjim količinama izvrši vaganje pojedinih vrsta otpada na mjestu preuzimanja otpada, a ukoliko se radi o većim količinama, otpad se tovari na kamion i vozi na kolsku vagu, koga specificiraju na otpremnom dokumentu sa podacima o šifri, vrsti i količinama u kg;

PRELAZNE I ZAVRŠNE ODREDBE

Član 12.

Ugovor se zaključuje na godinu dana, uz mogućnost pismenog otkaza bilo koje ugovorne strane. Otkazni rok iznosi 30 dana.

Član 13.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 14.

U ime Pružaoca usluga odgovorna osoba je Sead Brkić. Broj telefona: 061/103 – 534.
U ime Naručioca usluga odgovorna osoba je LENTIN PANDŽIĆ. Broj telefona: 061/130-652.


Član 15.

Ugovor stupa na snagu danom potpisivanja.


Član 16.

Ugovor je sačinjen u 2 (dva) istovjetna primjerka, po 1 (jedan) za svaku ugovornu stranu.

Za Pružaoca usluga



Belma Pašić – Krupalija
Broj: 603/17

Za Naručioca usluga


Admir Džubur
Broj: 03-08-04-3822 -502.01/17

Handwritten signature and initials

**Izvršni direktor za
tehničke poslove i marketing**


Nenad Šormaz

Handwritten signature

UPRAVA

Broj: 03-03-01- 169 /17
Sarajevo, 29.08.2017. godine

Na osnovu člana 64. stav 1, tačka b, člana 70. stav 1.,3. i 6. Zakona o javnim nabavkama („Službeni glasnik BiH“, broj 39/14), Pravilnika o postupku nabavke broj PR/SN/01 od 24.02.2015. godine, na Preporuku komisije za javnu nabavku broj: 34/17/4 godine, direktor donosi:

ODLUKU

- o izboru najpovoljnijeg ponuđača za nabavku -
EKOLOŠKO ZBRINJAVANJE OTPADA

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 34/17/4 i ugovor za ekološko zbrinjavanje otpada – KP 34/17 koji se dodjeljuje ponuđaču:

RECIKLON d.o.o. Sarajevo

prema ponudi broj: 3566/17 od 21.08.2017. godine, za ponudenu cijenu bez uračunatog PDV-a u iznosu od:

6.793,75 KM

kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču RECIKLON d.o.o. Sarajevo, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba nabavke.

Član 4.

Ova odluka će biti objavljena na web-stranici www.toplane-sa.co.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-798/17 od 04.08.2017. godine.

Javna nabavka je provedena putem konkurentskog zahtjeva za dostavu ponuda.

Obavještenje o nabavci broj: 160-7-2-178-3-91/17 poslato je na objavu dana 07.08.2017. godine, a objavljena je na Portalu javnih nabavki BiH dana 07.08.2017. godine.

Zahtjev za dostavu ponuda je upućen sljedećim ponuđačima, istovremeno sa slanjem obavijesti na Portal javnih nabavki BiH:

1. „RECIKLON“ d.o.o. Sarajevo
2. „GROSS“ d.o.o. Grude
3. „AIDA COMMERCE“ d.o.o. Sarajevo

Nakon isteka roka za preuzimanje, tendersku dokumentaciju je preuzelo 10 (deset) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH www.ejn.gov.ba).

Nakon isteka roka za podnošenje ponuda evidentirano je da su putem protokola u zatvorenim kovertama pristigle sljedeće ponude:

1. „KEMOKOP“ d.o.o. Tuzla broj protokola, 3520/17, datum 17.08.2017. godine u 08:35 sati
2. „GROSS“ d.o.o. Grude broj protokola, 3555/17, datum 21.08.2017. godine u 09:20 sati
3. „RECIKLON“ d.o.o. Sarajevo broj protokola, 3566/17, datum 21.08.2017. godine u 14:00 sati

Komisija za javnu nabavku imenovana je Odlukom broj: 03-03-01-799/17 od 04.08.2017. godine.

Komisija za javnu nabavku dostavila je dana 28.08.2017. godine Preporuku o izboru najpovoljnijeg ponuđača broj: 34/17/4 od 28.08.2017. godine zajedno sa izvještajem o radu broj: 34/17/3 od 28.08.2017. godine i zapisnikom o ocjeni ponuda broj: 34/17/2 od 28.08.2017. godine, u postupku javne nabavke za ekološko zbrinjavanje otpada – KP 34/17.


U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljeno 3 (tri) ponude.
- da nema neblagovremeno zaprimljenih ponuda.
- da su ponude ponuđača RECIKLON d.o.o. Sarajevo i KEMOKOP d.o.o. Tuzla prihvatljive.

Ponuda koja nije prihvatljiva za ugovorni organ sa aspekta kompletnosti, tehničkih ispunjenja uslova i zahtjeva definisanih u tenderskoj dokumentaciji je ponuda ponuđača:

1. „GROSS“ d.o.o. Grude iz sljedećih razloga:

- ponuđač u svojoj ponudi je dostavio Rješenje o izdavanju dozvole za aktivnosti male privrede u upravljanju otpadom, koje ne sadrži ključne brojeve (šifre): 10 01 99, 06 03 14, 17 06 04 i 19 09 05, kako je traženo Aneksom 3 i tačkom 7.2. podtačka 7.2.2. tenderske dokumentacije.



U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljivih ponuda odnosno utvrdila rang listu prihvatljivih ponuda / ponuđača kako slijedi:

„RECIKLON” d.o.o. Sarajevo,

sa ukupnom cijenom ponude od 6.793,75 KM bez uračunatog PDV-a,

Iz navedenih razloga, primjenom člana 64. stav 1. tačka b. Zakona o javnim nabavkama i Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Direktor
Admir Džubur
za F9

Dostaviti:

1. Ponuđaču: RECIKLON d.o.o. Sarajevo
2. Ponuđaču: KEMOKOP d.o.o. Tuzla
3. Ponuđaču: GRIOSS d.o.o. Grude
4. Službi nabavke
5. a/a



OBRAZAC ZA CIJENU PONUDE


NAZIV PONUĐAČA: RECIKLON d.o.o.Broj ponude: 080/17Datum: 10.08.2017. god.Strana 1 do 2

R. br.	Šifra otpada	Opis usluga	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	10 01 99	Otpad koji nije specificiran na drugi način (čišćenje kotlova sa dimne strane)	kg	10	1,55	15,50
2.	13 02 06	Sintetska ulja za motore, pogonske uređaje i podmazivanje (servisiranje vozila, agregata, pumpi i	kg	800	0,20	160,00
3.	06 03 14	Soli i rastvori koje nisu navedene u 06 03 11 i 06 03 13	kg	10	1,55	15,50
4.	13 03 10	Ostala izolacijska ulja za prenos toplote (ispitivanje temperaturnih sondi)	kg	250	0,20	50,00
5.	15 01 10	Ambalaža koja sadrži ostatke opasnih materija ili je onečišćena opasnim materijama (ambalaža od ulja za motore, pogonske uređaje, podmazivanje i ostala ambalaža od opasnih materija)	kg	70	1,90	133,00
6.	15 02 02	Materijali za upijanje onečišćeni opasnim tvarima Čišćenje kotlova sa dimne strane (pamučnjak, najlon onečišćeni antoksinom) Prosipanje tečnog goriva i kemikalija (pijesak/pilota onečišćeni tečnim gorivom, etilen glikolom, antoksinom, hidro-x-om) Poslovi u tokarskoj i automehaničarskoj radionici (pamučnjak onečišćen uljima za motore, pogonske uređaje i sl.)	kg	200	1,25	250,00
7.	16 01 07	Filteri za ulje (servisiranje voznog parka Preduzeća)	kg	5	1,15	5,75
8.	16 05 05	Plinovi u posudama pod pritiskom koji nisu navedeni pod 16 05 04 (PPaparati CO ₂)	kg	300	0,80	240,00
9.	16 05 06	Laboratorijske kemikalije koje sadrže opasne materije, uključujući mješavine laboratorijskih kemikalija (poslovi u laboratoriji)	kg	10	3,70	37,00
10.	16 06 02	Nikal-kadmijum baterije (zamjena dotrajalih baterija u određenim elektronskim uređajima)	kg	10	2,50	25,00

OBRAZAC ZA CIJENU PONUDE

R. br.	Šifra otpada	Opis usluga	J. mj.	Količina		
11.	16 06 05	Ostale baterije i akumulatori (zamjena akumulatora-servis vozila, zamjena baterija u uređajima: mjerači utroška toplote, telemetrijski uređaji-SCADA-e, panic rasvjeta i sl.)	kg	10	0,30	3,00
12.	17 06 04	Izolacijski materijali koji nisu navedeni pod 17 06 01 i 17 06 03 (izolaterski poslovi - otpad: staklena vuna, otpadna ljepenka, stiropor i sličan materijal)	kg	5.100	0,95	4.245,00
13.	19 09 05	Zasićene ili istrošene smole jonskih izmjenjivača (curenje jonskih izmjenjivača - otpad: neupotrebljiva jonska masa)	kg	5	2,80	14,00
14.	Ostale vrste otpada koje eventualno mogu nastati					1.000,00
UKUPNA CIJENA BEZ URAČUNATOG PDV - a						6.793,75
POPUST <input type="checkbox"/> %:						
UKUPNA CIJENA SA POPUSTOM BEZ URAČUNATOG PDV - a:						6.793,75

Mjesto i datum: SARAJEVO, 10.8.2017.god.



Potpis i pečat ovlaštenog lica

[Handwritten signature]

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

OBRAZAC ZA CIJENU PONUDE

OSTALI USLOVI:

- ✓ Plaćanje: u roku od 30 dana od dana prijema računa i prateće dokumentacije (otpremnice, transportna dokumentacija i slično).
- ✓ Rok izvršenja usluge: sukcesivno tokom ugovornog perioda, a najkasnije 7 dana od momenta telefonskog poziva ugovornog organa.
- ✓ Mjesto izvršenja usluga: Lokacije KJKP „Toplane-Sarajevo“ d.o.o. Sarajevo
- ✓ U toku realizacije ugovora, zbog specifičnosti nabavke, može doći do izmjene količina iz Obrasca za cijenu ponude bez obzira na ponuđene cijene, odnosno može doći do povećanja odnosno smanjenja količine po pojedinoj stavci u zavisnosti od stvarnih potreba ugovornog organa.
- ✓ Iznos od 1.000,00 KM naveden pod tačkom 14. predviđen je za potrebe ugovornog organa za zbrinjavanjem ostalih vrsta otpada koje eventualno mogu nastati u toku realizacije ugovora, a za koje nisu definisane pripadajuće šifre u Obrascu za cijenu ponude, ali su u tehničkoj vezi sa predmetom ove nabavke. U tom slučaju, ponuđač će na osnovu pismenog zahtjeva ugovornog organa, sačiniti i dostaviti putem fax-a ili e-mail-a pismenu ponudu za takvu vrstu otpada a ugovorni organ će u najkraćem roku pismenim putem fax-a / e-mail-a obavijestiti ponuđača da li je saglasan sa izvršenjem prema dostavljenoj ponudi.

Mjesto i datum: SARAJEVO, 10.8.2017.

Potpis i pečat ovlaštenog lica

Poline